



# Protokoll

Leidandmed	EAA.3257.1.2170
Kaader	122,123
Daatum	30.11.1873
Protokoll number	74
Protokoll teema	9. Sõim ja vägivald
Märkused	

Kohtumehed			
Eesnimi	Perekonnanimi	Täisnimi	Roll
Josep	Koor		Abikohtumees
Widrik	Harkmann		Abikohtumees
Jaan	Tennosar		Abikohtumees
Peter	Kutzari		Peakohtumees
Jakob	Hanson		Abikohtumees
Jakob	Koppli		Abikohtumees

Kaibas **Marri Kutzari** omma Estkostja **Hindrik Kutzari**, et se **Kärsa** Körtzmikko Naine **Ann** om tedda, **Marri Kutzariid**, armetul wiisil peksnud kui temma omma Meest, kea allati Körtzi jooma käup, koddo kutsma läinu, pallel Körtzinaist **Anne** trahwida ja hindale Wallo Rahha moista.

**Ann**, Körtzmikko **Hindrik Mattsoni** Naine, ettekutsutud ja se Assja perrast küssitud wastotas, et temma eneki üttelno, et se temmal wäega Imme om nätta et töistel Naistel ni palju prii aigo om allati Körtzi käwwa ja moistmata, kess neide Tööd ja Tallituusi koddon peassi teggema, selle ülle perra möttelden tahap temma küll pea usku, et se õige woissi olle ni kui Rahwas könnelep ja kah temma aigopiddi Arwo akkap saama, et nisuggutse Naise töiste Meestega ellawad ja säält siss kassu sawad, ja julgub kah usku et temma omma Mees sest Teost mitte puhhas ei olle. Selle Könne päle om **Jaan Wössmann** wastotanu: "Sell **Marri Kutzariil** om palju Suggladsi nink käup temma neide pittin ümber ja korjap niidade hindale middagi Tarwiliku." **Ann Mattson** agga üttelno selle päle, "ei se **Marri Kutzari** peab allati Meestega ümberlibbistama ja ei sa mitte ussutaw Mehhe Naine ollema!" Selle päle üttelno siss **Jaan Wössmann**, et kah temma om kulno, et **Marri Kutzari** ütškord 3 Mehhega Körtzi **Könin** om nättud.

Selle Jutto ajal om **Marri Kutzari** kah Körtzin ollnu nink hindat pümmeden Nukkan hoienu, et tedda ei olle nättud, ni pea agga kui se Juttus ni kaugele jäudno, et **Ann Mattson** ja **Jaan Wössmann** uskno, et temma üts saddano Naisterahwas om,

siss k<sup>er</sup>ranu **Marri Kutzari** suure Kärraga ommast pümmedast Nukkast wälja ja küssinu: "kuis nemmad temmale ülle nisuggust Jutto woiwa ajada. Nink ütles **Ann Matson** et neil ütteki Tappelust siiski polle olnud, waid enneki Sönnawahheldamist, kea küll ni kaugel widdanud et **Marri** Körtzari ka omm Röiwid eespoolt ülleskisknu ja omma paljad Ihho näutano.

**Jaan Wössmann** ettekutsutud ja selle Asja perrast küssitud, ütles wälja et se just niida om olnud kui üllewan seisabm nink et Tappelust ei olle mitte ettetulnud.

**Miina Kurrik** ettekutsutud, ütles kulno ollewad, et **Ann Mattson** üttelno, et temma kindmast ussup, et temma Mees se **Marri Kutzariga** ja **Wirro Liisuga** hoorab. Tappelust ka temma ei olle näinud.

Kaibaja **Marri Kutzari** pallel weel könnelda ja ütles: "et jobba ajasta aigo taggasi, om Körtzmikk **Hindrik Mattson** tedda ödangul, kui temma Körtzist möda läinu, ni kui et se löminne Körtzinaise läbbi om töisel päiwal perrast sedda Tüllü olnu, konna temma jälle Körtzi lännu omma Jodikust Meest otsma ja siss keddagi Tunnistagid ei olle olnud.

Körtzimees **Hindrik Matson** ettekutsutud ja se Krawi Taukamisse perrast küssitud, ütles wälja, et temma sess mitte middagi ei tia.

Koomeister **Kristjan Larwa**, kea kah Tunnistajas olli üllesantud, küssitud wastotas, et se küll öige om, et minnewa ajasata se **Marri Kutzari** temmale üttelno, et Körtzmikk tedda Krawi taugano ja siss temma manu läinu!

Wallawannemb **Peter Laar** ja Wörmünder **Hindrik Sikkut** olliwad **Marri Kutzari** palwemisse päle temma Pääd kaeno, ja tunnistawa: "et **Marri Kutzari** Pää om hopi saanu."

Sai moistetud: **Marri Kutzari** sap 2 Rubl WalloRahho ja maksap essi 1 Rubla Waasteladiko sisse trahwi. **Ann Matson** maksap 3 Rubl Wasteladiko Trahwi. **Hindrik Matson** maksap 3 Rubl Trahwi.

Se Moistminne sai \$772 & 773 jarrele kalutud.

**Peter Kutzari** XXX **Jaan Tennesar** XXX **Wid. Harkmann** XXX **Jakob Koppel** XXX **Josep Koor** XXX **Jakob Hanson** XXX